



# COMUNA DE ULIANA



Provìntzia de Nùgoro  
Àrea Servìtzios a sa Persone

Prot. n. \_\_\_\_\_ de su 31.05.2023

**AVISU ABERTURA TÈRMINES PRO SA PRESENTADA DE SAS ISTÀNTZIAS DE AMMISSIONE A SU SERVÌTZIU DE ANIMATZIONE IN FAVORE DE MINORES DE EDADE INTRE 12 E 36 MESES IN S'ÀMBITU DE SU PROGETU "CORO DE MAMA – MAMME ACCOGLIENTI" – PERÌODU DE SU 01.07.2023 AL 30.06.2024.**

## **SU RESPONSÀBILE DE S'ÀREA**

In esecutzione de s'aparatu de sas deliberatziones de sa Giunta Comunale n. 66 de su 09.08.22 e n. 82 de su 30.09.22

## **DAT A ISCHIRE**

chi sunt abertos sos tèrmines pro presentare sas dimandas de ammissione a su servìtziu de animatzione in favore de 20 minores de edade intre sos 12 e sos 36 meses in s'àmbitu de su progetu "Coro de mama – Mamme accoglienti"

## **CUNTENUTOS DE SU PROGETU**

Sas fainas de animatzione s'ant a acumprìre dae su lunis a sa chenàbura de sas oras 7.30 a sas oras 13.30, in su locale de carrera Fala e Nodi, ue s'at a bogare su gustu.

Su servìtziu de animatzione cumprendet sas figuras de una pedagogista moderadora, de duas educadoras professionali e de un'ausiliàriu. In prus est previdida s'insertada, in calidade de dischentes, de 2 aspirantes "Mamme accoglienti" de chi a s'art. 24 de su Regulamentu de atuatzione de s'articulu 43 de sa lege regionale 23 nadale 2005, n. 23. Organizatzione e funtzionamentu de sas istruturas sotziales, istitutos de partetzipatzione e cuncertatzione":

## **CUOTA DE CONTRIBUZIONE IMPITU**

Est previdida una cuota de contribuzione impitu de € 420,00 mensiles a minore.



# COMUNA DE ULIANA



Provìntzia de Nùgoro  
Àrea Servìtzios a sa Persone

## CRITÈRIOS PRO SA SELETZIONE DE SOS MINORES

S'in casu su numero de sos chi faghent dimanda nche colet su nùmeru màssimu de sos postos disponìbiles at a bènnere dada prioridade de atzessu a sos minores:

- Minores chi frequentant giai su servìtziu
- Iscritos pro su nùmeru majore de meses respetu a su periodu de su 01.07.2023 a su 30.06.2024;
- In cundizione de no autosufficienza;
- In cundizione de disabilitade;
- Chi presentant una dimanda de *atentu ispetziale* pro medas resones: isvantàgiu sotziale e culturale, istorbos ispetzìficos de apredimentu e/o istorbos evolutivos ispetzìficos, difficultades chi benint dae su de non connòschere sa cultura e sa limba italiana ca benint dae culturas diferentes”.
- In càrrigu a sos servìtzios sotziales comunales e/o a sos servìtzios sòtziu sanitàrios territoriales;
- Chi appartenent a nùcleos familiares cun su gradu prus artu de impinnu in fainas de traballu pro parte de sos genitores;

## MODALIDADE E TÈRMINES PRO SA PRESENTADA DE SAS DIMANDAS DE AMMISSIONE

Sas dimandas ant a dèvere èssere presentadas petzi pro more de su sistema de “Domande on line” disponìbile in su situ istituzionale de sa Comuna de Uliana a su indiritzu chi sighet [www.comu.olienu.it](http://www.comu.olienu.it), o puru si podet intrare dae s'indiritzu chi sighet <https://servizios.comunu.olienu.it/portale/contactcenter/elencopratiche.aspx?IDNODE=2043&CCAT=SESO> intro e no in prus de su **21.06.2023**.

Chie tenet sa netzessidade de crarimentos e/o informatziones, podet cuntatare a s'Assistente Sotziale dut.ra Natalina Catte dae su lunis a sa chenàbura dae sas 8.30 a sas 14.00 a su nùmeru 0784280236, o mandare unu messàgiu a s'indiritzu de posta eletrònica [catte.natalina@comunu.olienu.it](mailto:catte.natalina@comunu.olienu.it). Chie tenet sa netzessidade de èssere assistidu pro nche prenare sa dimanda podet dimandare a s'Istrutore Amm.vu senn.ra Pietrina Pulloni su lunis, su mèrcuris e sa chenàbura dae sas 8.30 a sas 11.00 o imbiare unu messàgiu a



# COMUNA DE ULIANA



Provìntzia de Nùgoro  
Àrea Servìtzios a sa Persone

s'indirìtzu de posta eletrònica ordinàriu pulloni.pietrina@comunu.olienu.it.

## PAGAMENTU DE SAS CUOTAS DE CONTRIBUZIONE IMPITU

Sos chi ant a resurtare insertados in s'elencu de sos impitadores ammitidos, publicadu in s'albu pretòriu de sa Comuna, ant a dèvere providire a su versamentu de sa prima cuota de contribuzione pro mèdiu de su sistema de pagamentu "Pago PA" disponibile in s'indirìtzu chi s'ighet:

<https://pagopa.bper.it/public/elencoCategorie.jsf>

**intro e non prus a tardu de su 27.06.2023 e a trasmitere còpia de su versamentu a s'indirìtzu de posta eletrònica catte.natalina@comunu.olienu.it.**

Sas cuotas imbenientes ant a èssere versadas non prus a tardu de deghe dies de su mese currente.

**RESPONSÀBILE DE SU PROTZEDIMENTU PRO SA COMUNA DE ULIANA.** Si comunicat chi su Responsàbile de su protzedimentu pro sa Comuna de Uliana est su responsàbile de s'Àrea Servìtzios a sa Persone, dut.ra Natalina Catte. Pro àteras informatziones si podet mandare unu messàgiu a s'indirìtzu de posta eletrònica a s'indirìtzu: catte.natalina@comunu.olienu.it

## **ART. INFORMATIVA SUBRA DE S'IMPREU DE SOS DATOS PERSONALES E SUBRA DE SOS DERETOS DE CHIE DECRARAT (ART. 13 DE SU DECRETU LEGISLATIVU N. 196/2003)**

Sos datos personales frunidos in sa dimanda e in sa documentatzione allegada a issa, respetende sos disponimentos chi bi sunt in su D.Lgs. 196/03 "Còdighe in matèria de sos datos personales", ant a èssere tratados e impreados pro sos fines presos a su cumprimentu de sa protzedura in ogetu e pro sos fines istituzionales de cada Amministratzione comunale



# COMUNA DE ULIANA



## Provìntzia de Nùgoro Àrea Servìtzios a sa Persone

e de sa Diretiva de s'Unione Europea n°679/2016, in vigore de su 25 maju 2018.

Su cunferimentu de sos datos tenet natura obrigatòria in cantu indispensabile pro su contivìgiu de sas protzeduras pedidas. Su refudu de su cunferimentu de sos datos opuru su mancadu indicu de unos cantos de issos at a pòdere cumportare s'annullamentu de su protzedimentu pro impossibilitade a realizare s'istrutòria.

Su tratamentu de sos datos at a èssere fatu cun s'agiudu de mèdios informàticos e ant a dèvere èssere comunicados a sos àteros sugetos interessados a sa gestione de su protzedimentu e a sos chi s'òcupant de realizare sos controllos prevididos dae sa vigente normativa.

A s'interessadu sunt reconnotos sos deretos de cales a s'art. 7 de su Decretu Legislativu n. 196/2003 e, in particolare, su deretu de atzèdere a sos datos personales pròpios, de nde pedire sa retifica, s'aggiornamentu e s'iscantzelladura, si incumpletos, isballiados o recollidos in violatzione de lege, e gasi etotu de s'opònnere a su tratamentu de sos matessi pro motivos legìtimos. Su titolare de su tratamentu de sos datos personales est sa Comuna de Uliana.

### NORMAS FINALES

Pro cantu non prevididu in manera crara dae su presente avisu si faghet riferimentu a sas deliberatziones de sa Giunta Comunale n. 66 de su 09.08.22 e n. 82 de su 30.09.22 e a su Regulamentu de atuatzione de s'articulu 43 de sa lege regionale 23 nadale 2005, n. 23. Organizatzione e funtzionamentu de sas istruturas sotziales, istitutos de partetzipatzione e cuncertatzione”:

### PUBLITZIDADE

Su presente avisu benit publicadu in s'Albu Pretòriu On Line e est gasi puru si podet reperire in su situ web de sa Comuna in s'indiritzu <https://www.comunu.olienu.it>

Uliana, 31.05.2023

Su Responsabile de s'Àrea Servìtzios a sa Persone

Dut.ra Natalina Catte

C. su Vitòriu Emanuele 4, 08025 - Oliena P. IVA e C. F. 00156030918

Tel. 0784/280.200 - Fax 0784/280.206 - situ internèt: [www.comunu.olienu.it](http://www.comunu.olienu.it)